

JABATAN KORPORAT

TARIKH: 21.11.2024 MASA: 11.00AM

MUKTAMAD



MAJLIS BANDARAYA SEBERANG PERAI

TEKS UCAPAN

**YANG BERUSAHA TUAN MOHD IBRAHIM BIN MD NOR
SETIAUSAHA BANDARAYA
MAJLIS BANDARAYA SEBERANG PERAI**

SEMPENA

**MAJLIS PERASMIAN PUSAT KITAR SEMULA DEWAN
KOMUNITI TAMAN CENGAL**

TARIKH / MASA / TEMPAT

**24 NOVEMBER 2024 (AHAD)
11.00 PAGI**

**DEWAN KOMUNITI TAMAN CENGAL
SEBERANG PERAI UTARA**

Terima kasih Saudara/Saudari Pengacara Majlis

Yang Berhormat Tuan Lim Guan Eng

Mantan Ketua Menteri Pulau Pinang

Merangkap Ahli Parlimen Bagan

Yang Berhormat Puan Phee Syn Tze

ADUN Sungai Puyu

Yang Berhormat Tuan Chee Yeeh Keen

ADUN Bagan Jermal

Yang Berusaha Tuan Mohd Ibrahim Bin Md Nor

Setiausaha Bandaraya Mewakili Datuk Bandar

Majlis Bandaraya Seberang Perai

Yang Dihormati Ahli-Ahli Majlis

Majlis Bandaraya Seberang Perai

Yang Berusaha Tuan Ahmad Zabri Bin Mohamed Sarajudin

Pengarah Perkhidmatan Perbandaran Selaku Pengarah Majlis Perasmian

Kitar Semula Dewan MPKK Taman Cengal, Butterworth

Ketua-Ketua Jabatan dan Pegawai-Pegawai Kanan

Majlis Bandaraya Seberang Perai

Rakan-Rakan Media

Tuan-Tuan dan Puan-Puan yang dihormati sekalian

Bismillahir Rahmanir Rahim

Assalamu'alaikum Warahmatullahhi Wabarakatuh,

Selamat pagi dan Salam Sejahtera,

1. Alhamdulillah, segala puji bagi Allah S.W.T. kerana dengan izin dan limpah kurnia-Nya, dapat kita berkumpul pada hari ini dalam **Majlis Perasmian Pusat Kitar Semula Dewan Komuniti Taman Cengal**.
2. Sekalung penghargaan dan terima kasih kepada Yang Berhormat Tuan Lim Guan Eng, Ahli Parlimen Bagan kerana sudi melapangkan masa beliau untuk hadir merasmikan **Pusat Kitar Semula Dewan Komuniti Taman Cengal** ini.
3. Setinggi-tinggi penghargaan juga kepada Yang Berhormat Puan Phee Syn Tze, ADUN Sungai Puyu; Yang Dihormati Ahli-Ahli Majlis; Ketua-Ketua Jabatan; warga kerja MBSP; penduduk setempat serta para hadirin sekalian yang hadir bagi menjayakan program pada hari ini.
4. Saya juga ingin merakamkan ucapan terima kasih dan setinggi-tinggi penghargaan kepada Encik Ng Chee Chong selaku Pengurus MPKK Sungai Puyu, Puan Ang Choon Mei selaku Pengurus JPWK Sungai Puyu dan semua Ahli Jawatankuasa MPKK Taman Cengal yang telah berusaha bersungguh-sungguh untuk mewujudkan Pusat Kitar Semula di Dewan Komuniti Taman Cengal.

5. Program Perasmian Pusat Kitar Semula Dewan Komuniti Taman Cengal pada hari ini merupakan aktiviti yang menggalakkan usaha melestarikan alam sekitar, mendidik masyarakat tentang kepentingan kitar semula serta memberi kesedaran bahawa sisa kitar semula adalah sesuatu yang berharga dan berpotensi menjana pendapatan.
6. Program ini bertujuan meningkatkan tahap kesedaran masyarakat tentang kepentingan pengasingan sisa di punca, di samping memperkenalkan kewujudan sangkar kitar semula kepada masyarakat, khususnya para penduduk di sekitar Taman Cengal. Penempatan sangkar kitar semula di lokasi ini adalah strategik kerana ia merupakan kawasan tumpuan orang ramai.
7. Kitar semula merupakan satu konsep penjagaan, pemeliharaan dan pemuliharaan alam sekitar. Memandangkan jumlah sampah harian manusia semakin bertambah tahun demi tahun selari dengan pertambahan populasi, maka amalan kitar semula dilihat satu alternatif yang bagus untuk melambatkan penggunaan sumber-sumber semula jadi yang terdapat di sekeliling kita.
8. Untuk memastikan keberkesanan program kitar semula, MBSP menjamin kerjasama strategik dengan universiti, sekolah, NGO dan persatuan penduduk. Salah satu kaedah adalah dengan mewujudkan pusat-pusat kitar semula di kawasan-kawasan perumahan dan kampung di seluruh Seberang Perai. Sehingga ini terdapat 36 pusat

kitar semula (termasuk Pusat Kitar Semula Dewan Komuniti Taman Cengal) di Seberang Perai iaitu sepuluh (10) Pusat Kitar Semula di Seberang Perai Utara, 19 Pusat Kitar Semula di Seberang Perai Tengah dan tujuh (7) Pusat Kitar Semula di Seberang Perai Selatan.

9. Sempena program ini, satu taklimat khusus mengenai pengasingan sisa di punca turut diadakan bagi memberi penerangan terperinci tentang kaedah pengasingan sisa di punca yang dilaksanakan di Negeri Pulau Pinang. Taklimat ini juga bertujuan menggariskan impak negatif kepada alam sekitar sekiranya amalan kitar semula tidak diterapkan dalam kehidupan seharian kita.
10. Bagi menyemarakkan lagi program ini, pelbagai aktiviti telah dijalankan, termasuk pertandingan mewarna, zumba, *bouncy castle* dan zoo mini. Program-program seumpama ini akan membantu ke arah pembangunan komuniti yang mampan dan sejahtera.
11. Diharapkan melalui Program Perasmian Pusat Kitar Semula Dewan Komuniti Taman Cengal ini, dapat mendidik masyarakat menjalankan aktiviti kitar semula sejajar dengan Dasar Pengasingan Sisa Di Punca yang telah diperketatkan penguatkuasaannya pada Julai 2024 serta memberi impak positif dalam menjayakan Dasar Pengasingan Sisa di Punca.
12. Saya berharap semua pihak untuk mengaplikasikan pendekatan holistik dalam pengurusan alam sekitar dalam mewujudkan sebuah

bandaraya rendah karbon yang berdayahuni, dalam menzahirkan

“Seberang Perai Resilient, Inklusif, Hijau dan Kompetitif.”

13. Saya menyeru semua yang hadir pada hari ini untuk bersama-sama menyahut seruan Kerajaan Negeri dan MBSP, dalam menggembrelleng tenaga untuk menjayakan Program Kitar Semula di Seberang Perai. Marilah kita sama-sama mengikis sikap negatif bahawa program kitar semula ini hanya menyusahkan serta tidak memberikan apa-apa faedah. Ada juga yang beranggapan bahawa masalah sampah bukanlah tanggungjawab masyarakat. Marilah kita sama-sama menjadi satu masyarakat yang sangat prihatin terhadap kepentingan menjaga alam sekitar dan terlibat secara aktif dalam menjayakan program kitar semula.
14. Sebelum saya mengakhiri ucapan, saya merakamkan penghargaan dan ucapan ribuan terima kasih kepada semua yang bertungkus lumus bagi menjayakan Majlis Perasmian Pusat Kitar Semula Dewan Komuniti Taman Cengal, terutamanya Yang Berhormat Tuan Lim Guan Eng, Ahli Parlimen Bagan yang sudi merasmikan pusat kitar semula ini.

Sekian, terima kasih.

Wabillahi Taufik Wal Hidayah, Wassalamualaikum Warahmatullahi

Wabarakatuh.